

ԱՆՅՈՐԳԷ ԵՒ ԻՐ ՃԱՄԲԱՆ

(ԲԱՆԱՍՏԵՂԾԻ ՅՈՒՇԱՏԵՏՐԻՑ)

Գրեց՝ ԿՈՍՏԱՆ ԶԱՐԵԱՆ

ԹԱՂՈՒԱԾ ԱՅԳԻՆ

Շուկայի հրատարակից մինչև Զանդուկի կամուրջը կառքը վաղում է աշխուժ, քարերի վրայ ցատկելով, կուտակուած ցեխերը անիւների տակից ժայթքեցնելով, խարխուլ տան նման երեբալով: Կամուրջին հասաւ թէ չէ, թափը կտարում է, դանդաղում, մտածկոտ գոմէշի նման տատանուում ու դառիվերի վրայ անքում, սող գալիս:

Եւ էջմիածնի ճանապարհը ձիերի սմբակների տակ համբիշի գլորակների նման վայր է ընկնում գնդալով:

Այգիները խոր մբառի մէջ են: Հողի տակ ծածկուած որթենիները շնչում են դէպի վար, իրենց արմատների շուրջը բոլորուած: Երբեմն մի թռչուն է անցնում, թեւերը օդի վրայ փռուած, դանդաղ, մտածկոտ, աննշմարելի շարժումով:

Արարատեան դաշտի լայնատարած նայուածքի մէջ մարդ կորչում է: Միտքը մագլցում է դէպի ներս, թեւերը ծալում, աչքերը փակում:

Հայաստանում ամէն քայլի տակ դետինը հեծկլտում է, ու ամէն մի հեծկլտանքի հետ, հուլիանս մէջ, դարերով գիղուած լուսթիւնները խուլորէն շարժուում են:

Հայր մի տեսակ անդունդ է, որի մէջ եթէ քար նետես՝ արձագանդները կը խօսակցին եւ անտեսանելի աշխարհները կը կենդանան:

* * *

Կառապանի մտրակը ոլորում է ճանապարհի հետ: Կառքը թեքում է աջ ու ձախ: Այգիների պատերը ներս են քաշում: Մի գիւղ կուչ է գալիս, ու կառապանը վիզը ծոած երգում է: Մեր երգերը տխուր են, որովհետեւ երբ մենք պարում ենք՝ մեռելները ծափ են տալիս, եւ լեռներից իջող հովերի տակ ոգիները ծփում են: Մեր կեանքը ցցուել է անցեալի,

խո՛ր անցեալի մշտնջենական ալիքի կատարին, առազաստը պատուած նաւակի նման, եւ դաշտ ու լեռ՝ ինչպէս ահա Արարատը՝ ման են գալիս անստոյգ հորիզոնի վրայ:

Դաշտանկարի հետ միասին օրօր եմ գալիս: Այնպէս, ինչպէս հրդեհը բաց գրքի առջև: Հազար մտքեր են այցելում: Տարակուսանքներ, յիշատակներ, հակասական զգացումների պայքար:

Երեւանը մղլոտած հացի ետեւից է վաղում: Մարտողական իր փիլիսոփայութեան աժան բառարանում ամէն ինչ բացայայտ է, ու տիեզերքը ոսկոր է շունների բերանում: Վա՛յ թէ ձեռք տաս: Այստեղ լուսթիւն է, թաղուած այգի, սպասում:

* * *

Մեր սերունդը կանդնել է պատմութեան ճեղքուած ճանապարհի առջև: Ուղղութիւնները խաչաձեւուել են: Դարը սեւ դուռ է բաց արել, արիւնտա, եւ մենք ներս ենք մտել պաշարուած մի երկիր: Մենք մեզ պաշարել ենք ու թաւալ ենք գալիս խայթող պատասխանատուութիւնների մէջ:

Պատմական դէպքերի հոգմապտոյտի առջև փոշիների ուղղութիւններն ենք արձանագրում, օրէնքներ որոնում, թաւալգլոր օրերի ետեւից վաղում, ու վերադառնում տուն այրուած կոպերով, արտնջող աչքերով:

Բուն կեանքը անախնկալների մի շարք է, որովհետեւ նա իր էութեան մէջ ստեղծագործական է, ուստի փոփոխական, արկածախրնդիւր, արտառոց: Պատմութեան մէջ կարեւորը այն է՝ ինչ որ պատմութիւն չէ, այլ ներքին, էական, հոգեկան այն յարակցութիւնը, լուսթիւնների այն անդունդը, որի մէջ նետուած քարը արձագանդում է:

Դէպքերը պտտում են տրամախոհական իմացականութեան մակերեսի վրայ, որոշ վեր-